

## PILEMON Pol Pilemon Nop Mij Tikak

<sup>1</sup> Yad Pol. Klays Jisas nop wog gen yip nag lel midebin. Pilemon, nad mam tep chin midil, Klays wog ne chin jimnil gipun. Pen yad mam chin Timoti ayip midil, mij anib ak nu kil tikil nep nobul.

<sup>2</sup> Chil ay chin Apiya ayip, bi Alkipus ayip kilop abe kil tikil nobul. Bi Alkipus, chin bi God chim kadin gep tek midil, God wog ak jimnil gipun. Pen Klays binib ne pelpel kal nad apnan gipal okok, kilop abe kil tikil nobul.

<sup>3</sup> Bapi God chin ayip Biawl Jisas Klays ayip, apilminal ak nibop yimug ninid gitep gel midtep ginimib.

*Pilemon ne Klays nop gos linigilig binib kilop mapen lup*

<sup>4-5</sup> Nad Biawl Jisas nop gos linigilig, binib ne okok midupsek kilop mapen lipan ak, kili agel yad nepin. Anib ak yad God ayip aginig, nep pel gos nigilig God nop tep apin. <sup>6</sup> Nop agninid apin, Nad ge, chin Pilemon ayip jimnil midil, Klays nop gos liniginigun apin. Pilemon ne Klays nop gos linigek nad nop ge, chin Klays binib ne okok chinop pel gitep gipan ak ne nigtep gil, chig tep yibil ginimun apin.

<sup>7</sup> Pen mam Pilemon nigan. Nad God binib ne okok kilop mapen le gos sek midel kilop tep gup.

Anib ak tek yad abe nigen tep gek, miñmiñ yibil gipin.

*Pol ne Pilemon nop agup, Onesimus nop tepayan dil, gitep ginimin agup*

<sup>8-9</sup> Anib ak yad Pol, Klays Jisas takaw ne ak agñi ajen, yip nag lel midebin ak, nep aginim tek yip gos niñid ginimin. Klays bine midebin tek, nep takaw kiles aginig apin ep ak pen, nep anib ma aginim agil keligipin. Chil penpen mapen lipul anib ak tek, yad bi milep midebin ak, yad nep takaw saynsayn agil agniginim. <sup>10</sup> Nad ñi yad Onesimus nop gitep ginimin. Yip nag lel yenek ak, ne yip yil owak. Apek nop agñen Klays nop gos linigup ak nim yad apin, ne ñi yad mideb. <sup>11</sup> Ned wog gitep ma gil nep kelig amnak\* ak pen, miñil yip wog giñil, nep wog giñil chilop gitep ginigeb.†

<sup>12</sup> Ne ñi mapen yad tek ak, nop agyoken nep yil adikid ameb. <sup>13</sup> Gos yad nepin ak, yad yil mideñ agil nepin. Klays takaw teplep agñen yip nag lel midebin awl, nad apil yip wog giñinimin tek ma lup ak, Onesimus yip wog giñibikop. <sup>14</sup> Ned agniñid takaw nad ak dil tek, nop ma agyokipin ep. Yad ke pen nop di yenigayn yipid ma ginigab agil,

---

**1:8-9** Plm 1      **1:10** 1 Ko 4.15, Kol 4.9      \* **1:11** Gos olap anigil mideb. Onesimus ne Pilemon bi wog giñeb ne yoligup, kidek pilikil Pol yil owak. Apek Pol ayip midil, ñig pakak. Pen ñin anib ak takaw kiles timel olap agilak, Bi wog giñeb ne pilik amek, biawl ne ak bi chim kadiñ gep okok agek, kili bi wog giñeb anib ak nop mab bak alan chipil paklel kumnimuj agilak.      † **1:11** Glik takaw ak, yib Onesimus takaw jij anigil mideb, bi gitep gep ak.      **1:13** Plp 2.30  
**1:14** 2 Ko 9.7, 1 Pi 5.2

nop ned agyokil, nep kidek agniginigayn. Yip yil tepayan agyokinig agyokinimin.

<sup>15</sup> Onesimus ne nep keligil amil, sikol won olap yek. Ak pen chin ma nopun, tap anib okok anigek, miñil nop ditep ge, pel pelnep chigil yenigayl akan?

<sup>16</sup> Pen Pilemon, Onesimus nop ditep geban ak, ne bi wog giñeb mideb ak nep ma niginimin. Ne bi wog giñeb mideb ak miñil pen, mam mapen nad ak abe mideb. Pen yad abe nop gos nigen, mam mapen yad ak mideb. Ne bi wog giñeb wog ak gitep ginigab nad nige tep gek, nop God bine olap namam nad ke ak abe mapen niginigaban.

<sup>17</sup> Anib ak chil jimñil midil Klays wog ne ayip gobul agil nepan tek, yad amjaken yip ditep gipinap tek ak, Onesimus nop abe ditep ginimin.

<sup>18</sup> Pen taydil nep timel gak akan, tap day oginap pen ma ñak agil, takaw oginap yonimuj nop ma aginimin. Takaw anib ak yip aginimin. <sup>19</sup> Age, yad nep pen ñinigayn. Takaw anib ak yad Pol, yad ke mij sek tikil lebin. Pen yad nep Klays takaw teplep agenek niñid dipan ak, tap day anib ak mideb ak nep ma agebin, nad ke nepan. <sup>20</sup> Mam, yad agil gos nepin, chil Klays bine okok midol, nad Biawl nop niñid yip anigil gitep ginimin. Anige, yad nigen tep gek, miñmiñ ginigayn. <sup>21</sup> Yad nepin, takaw apin tek mij kil tikebin ak, midupsek niñid kidek ginigaban. Pen nad Onesimus nop adek anib anep ditep ginigaban agil, tep gakniñ mij tikebin.

<sup>22</sup> Pen takaw nokom olap mideb. Gos yad anigil mideb, God nop agnepim tek niñid, yip gek nag lep ak keligil, nibop yil adikid amnigayn. Anib ak

yip kal ñiluk migan olap niñid gilitep ge, yad amil kinim.

*Takaw day won oginap*

<sup>23</sup> Bi Epaplas ne Klays Jisas takaw agñek nop nag lilak ak, yad ayip midobul awl. Pilemon, ne nep ag dideg leb. <sup>24</sup> Pen Mak ak, Alistakus ak, Demas ak, Luk ak, kili bi wog jimñil gipun okok, abe nep ag dideg lebal.

<sup>25</sup> Biawl chin Jisas Klays ne nibop yimug niñid gitep ginimuj.

## **Jisas Klays Takaw Telep Ne Tay New Testament**

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

24d09cce-9a93-523a-afa5-7b091c264cee